

國朝詩人徵略

序

國朝文治昌明人材輩出名臣名儒後先相望卽以詩論自

朝廷以逮閭巷其間揚風抗雅鼓吹休明或爲有德之言或擅專家之業雲蒸霞蔚富有日新彬彬乎稱依永和聲之盛焉屏賦性穎愚寡所嗜好暇日輒喜誦古人詩誦其

詩欲知其人而其人生平事蹟大都散見於諸家文集及志乘說部諸書爰卽流覽所及隨意錄之篇幅稍繁者節錄之或見其事未見其詩或偶見其詩而未遇會心者姑闕之歲月旣積卷帙遂增思於纂述之餘用廣興觀之助

國朝詩人徵略 十 卷名曰

國朝詩人徵略一日有客過余覽之曰書中所載多名臣
名儒而槩以詩人稱之可乎余瞿然曰微子言余亦疑之
雖然嘗徵諸古矣毛詩孔疏云詩人覽一國之意以爲己
心所言者諸侯之政故謂之風詩人總天下之心以爲己
意所言者天子之政故謂之雅觀孔疏所稱詩人則周公
召公衛武公尹吉甫皆在其中矣蓋以人言則智愚賢否
等有不齊以詩言則凡作詩之人皆得謂之詩人詩以人
而重人不以詩而輕也客曰善越日客復過余曰文心誰
龍言賦者受命於詩人又言離騷軒翥詩人之後是皆入

風雅頌之詩人而通稱之亦可爲是編之一證也客旣去
余并書于卷端以質諸博雅君子

嘉慶二十有四年歲次己卯夏四月番禺張維屏

海內詩人衆矣詩集繁矣茲編所錄不過千百之十一然
百數十年以來心藏心寫師事友事之人大半略可攷見
且意在知人本非選詩其中或因題或因事或已所欲言
或人所未言意欲無所不有不專論詩之工拙也回思在
楚五年每當簿書迷悶之餘風雨蕭寥之會開卷有益聊
以自娛論者謂增廣聞見陶冶性靈均有裨助因懇懃付
梓旋里四載刻至六十卷續有所得隨時增補拙著四種
間附數條藉以就正有道焉道光十年二月維屏再識

國朝詩人徵略目錄

卷一

鄂貌圖

卞三元

李瀅

楊思聖

魏裔介

魏象樞

李靄

王紫綬

朱之錫

法若真

馮溥

宋琬

蔣超

王熙

朱徵輿

李敬

沈永令

施閏章

季開生

董文驥

王廣心

王庭

周體觀

周茂源

劉子壯

熊伯龍

趙吉士

卷二

湯斌沈荃程可則范承謨

曹爾堪顧大申王士祿張永祺

李來泰金漸皋丁思孔笪重光

胡文學黎士宏梅清

卷三

顧炎武黃宗羲黃宗炎魏際瑞

魏禧魏禮傅山申涵光

錢澄之梅文鼎胡渭萬斯同

陳允衡陶礪朱鶴齡安致遠

王班劉醇驥張仁熙

費
密

彭師度

王士媚

黃虞稷

潘天成

陳啓源

卷四

王士正

邱象升

嚴 沔

汪 琨

李贊元

曹申吉

楊雍建

劉體仁

秦松齡

王 揆

丁 澎

彭 裘

王澤宏

傅 垅

錢陸燦

計 東

田茂遇

曾 曉

陳廷敬

李念慈

馮 隰

張一鵠

李天馥

蕭惟豫

鄒祇謨

錢中諧

許 虬

王又旦

嚴允肇 顧岱 張貞生 毛際可

卷五

陳恭尹 徐延壽 褚篆 趙士喆

劉獻廷 徐振芳 沈道映 陸元輔

陸元法 徐波 侯涵 劉逢源

吳兆寬 閔麟嗣 吳嘉紀 李鄴嗣

王猷定 戴本孝 曾傳燦 蕭詩

董以寧 沈欽圻 陶濬 郁植

文點 韓純玉 陳子升 董道權

任元祥 夏熙臣 黃雲 宗元鼎

潘高

柴紹炳

陸圻

毛先舒

張丹

陸嘉淑

吳殳

朱克生

俞南史

韓昌

盧元昌

錢曾

卷六

徐元文

葉方藹

彭孫遹

黃與堅

鄭日奎

周燦

曹玉珂

王追騏

彭鵬

董俞

崔華

馬世俊

張玉書

葉映樞

孫蕙

吳光

王維坤

董含

蘇楣汝

卷七

姚啓聖

嚴我斯

田 雯

曹 禾

曹貞吉

勞之辨

趙士麟

盛符升

方殿元

繆 彤

張 英

魏慶徵

汪懋麟

顏光敏

喬 菜

方象瑛

陳玉璉

卷八

陸隴其

徐乾學

王 挑

王士祐

李振裕

許孫荃

葉 變

盧道悅

牛 鈕

林麟焮

卷九

李光地

顧貞觀

韓菼

王鴻緝

徐倬

李基和

徐元夢

性德

彭定求

胡會恩

翁叔元

王頊齡

王吉武

趙執信

李孚青

王材任
梅庚

卷十

毛奇齡

尤侗

卷十一

李因篤

嚴繩孫

龐壇

汪楫

潘耒

徐釚

李澄中

徐嘉炎

邱象隨

高詠

卷十二

朱彝尊

陳維崧

袁佑

馮勗

王昊

鄧漢儀

孫枝蔚

卷十三

吳綺

費揚古

朱昌祚

金世德

佟鳳彩

王遵坦

宋肇

高士奇

吳興祚

謝重輝

孔傳鐸

孔尙任

丁煒

戴梓

孫寶侗

顧八代

靳治荆

范承勳

高其位

高其佩

劉廷璣

佟世思

卷十四

閻若璩

吳 雯

邱維屏

張自烈

吳學烟

周 貧

顧有孝

顧 樵

周 肇

顧 湄

王 擾

李良年

惲 格

徐 夜

丁耀亢

張實居

張篤慶

吳 磬

邵長蘅

陸次雲

章靜宜

顧景星

汪徵遠

汪洪度

李文燦

高 儆

羅寧默

凌玉弼

彭始奮

黎延祖

查 容

何輩道

彭 桂

廖 燕

吳之振

王 隼

洪昇 梁無技 蒲松齡 陳阿平

朱紺 薛始亨 張劭 薛起蛟

李德林 黃河濱 余錫純 李光坡

卷十五

金德嘉 彭寧求 許汝霖 史夔

馮廷樞 周金然 王九齡 尤珍

吳苑 陳學洙 李國宋 汪瀨

施何牧 仇兆鼇 梁佩蘭 湯右曾

唐孫華 田從典 趙俞 陶元淳

史申義 吳暉 孫致彌 張尚璣

查昇

陳大章

陸寅

鄭梁

沈名孫

卷十六

陳鵬年

惠周惕

黃叔琳

高孝本

姚士陞

吳文煒

顧圖河

陳璣

朱軾

呂履恆

卷十七

高其倬

覺羅滿保

法海

周起渭

黃利通

焦袁熹

許遂

嚴虞惇

姜宸英

汪士鋐

陳葢

宋聚業

陳至言

卷十八

鄂爾泰

張遠

梁澤

劉信烈

汪繹

張廷玉

陸師

許迎年

楊守知

徐昂發

查嗣樞

徐永宣

蔡望

陳沂震

黃任

周大樽

葉適

汪後來

卷十九

查慎行

王式丹

蔣廷錫

張自超

何焯

吳廷楨

吳瞻淇

章藻功

王霖

劉青藜

王萃

方黎如

陳厚耀

嵇曾筠

何深

吳麟

繆沅

張大受

惠士奇

張照

秦道然

李紱

方式濟

呂謙恆

張景崧

王時憲

梁迪

卷二十

岳鍾琪

卓爾堪

曹寅

卞永譽

揆敘

喻成龍

鈕琇

張雲翼

張養重

沈受宏

方登嶧

楊賓

王戩

楊模

沈紹姬

文拔

李必恆

王丹林

王錫

顧嗣協

沈廉

翁荃

蔣深

王汝驤

陳奕禧

郭元釤

顧文淵

汪文柏

費錫璜

徐蘭

沈用濟

張錫祚

張元昇

李嶟端

殷譽慶

先著

周龍藻

錢良擇

卷二十一

謝濟世

沈樹本

徐葆光

顧嗣立

杜詔

程夢星

林佶

朱倫瀚

孫嘉淦

張梁

萬承蒼

甘汝來

尚日貞

顧陳垿

查爲仁

德 輸

翁志琦

張廷璐

鄭 江

王懋竑

許 均

車騰芳

卷二十二

厲 鶴

萬邦榮

鄭世元

方正瑗

許廷鑛

費之雋

儲大文

謝道承

陸奎勳

馬維翰

魯曾煜

畱 保

錢陳羣

盧見曾

顧棟高

沈起元

卷二十三

施世綸

和 素

張廷枚

高 紂

藍鼎元

樓 儼

方 還

方 朝

朱 楷

屈明洪

陳世和

賽音布

訥爾樸

易 宏

何 霽

方貞觀

徐洪鈞

吳俊常

顧我錡

謝方連

劉正誼

曹煜曾

劉宗需

周振采

王應奎

余 京

許 綏

卷二十四

尹繼善

陳宏謀

鄭方坤

陳祖范

柯 煙

尹會一

杭世駿

金志章

王安國

汪山敦

王 峻

李重華

諸 錦 嚴遂成 周長發 王文清

卷二十五

胡 方 沈炳震 沈 彤 吳穎芳

金 農 李 錨 陳景元 周 京

丁 敬 姚世鉅 長 海 金 純

李 果 計元坊 鮑 鈜 謝淞洲

黃子雲 翁 照 過春山 周永銓

周 準 盛 錦 朱受新 李 菘

邵 岷

卷二十六

劉統勳

彭啓豐

張鵬翀

楊錫紱

梁詩正

曹一士

商盤

陳兆崙

林蒲封

何夢瑤

英廉

馬樸臣

鄂容安

桑調元

張湄

夏之蓉

周宣猷

何如滻

韓海

彭端淑

卷二十七

劉大櫆

胡天游

劉綸

沈廷芳

齊召南

陳撰

陳黃中

尙廷楓

符曾

趙昱

沈冰壺

汪沆

方觀承

胡鳴玉

王藻

勞孝輿

程廷祚

邊連寶

朱
穎
孫
廣

馬日南

卷二十八

全祖望

秦蕙田

鄭
燮

金德瑛

蔡
新

萬光泰

羅天尺

德
保

鍾
獮

周
煌

錢
琦

卷二十九

阿
桂

祝維誥

卷三十

沈德潛

莊有恭

袁
枚

舒
瞻

馮成修

卷三十一

裘曰修

李 湖

梁善長

申 甫

金 蛙

竇光鼐

王太岳

鄭虎文

卷三十二

夢 麟

錢維城

李因培

張甄陶

朱 珪

圖韜布

凌 魚

林明倫

陶世鳳

劉鶴鳴

余慶長

劉 執

譚尚忠

湯世昌

周於禮

卷三十三

惠 棟

蔡 瓏

葛景中

沙維杓

張 岡 許 燦 高鳳翰

沈大成

朱方藹 陶元藻

江 昀 馮公亮

羅元煥 王 景

陶 琪 張 栢

陳華封 王國藩

何士容 陳 肅

方正澍 徐大椿

方秋白 查岐昌

徐 堅 薛廷文

陸 藝 張大進

黃 盛 楊 星

汪 輻 童 鈺

彭雲鴻 劉文蔚

朱 賀 江 干

蔣業鼎 李 燮

朱茝恭

卷三十四

翁方綱

錢 輽

梁同書

盧文弨

周大樞

陸 燦

阮葵生

卷三十五

紀 昙

朱 箕

王鳴盛

錢大昕

卷三十六

王 祚

范家相

王又曾

翟 瀛

沈業富

葉佩蓀

曹學閔

何在田

卷三十七

蔣士銓

彭元瑞

曹錫寶

彭紹升

孫永清

黃紹統

虔禮寶

畢 沢

王文治 吳 璞 謝啓昆 陳奉茲

吳泰來 王 宸 申兆定 程大中

卷三十八

王 杰 趙 翼 李文藻 曹仁虎
陸錫熊 吳玉綸 馮應樞 儲祕書

趙文哲 朱孝純 張熙純 張九鍼

卷三十九

黃景仁 王 復 徐書受 楊芳燦

卷四十

姚 黛 湯大奎 祝德麟 沈 初

吳省欽

董 潮

王嵩高

施朝幹

褚廷璋

李調元

梁 泉

勞 潼

閻循觀

汪孟鋗

朱 炎

金兆燕

張錦麟

黎建三

任大椿

鮑之鍾

彭 菲

潘有爲

卷四十一

李懷民

福增格

託 庸

蔣韶年

高 玥

兆 勳

白衣保

甘運源

單襄榮

汪 松

明 瑞

奎 林

毓 奇

慶 蘭

懷 謙

李鴻齡

卷四十二

汪中 程夢湘 蘇加玉 殷如梅
吳照 金慰祖 何青 余鵬翀

朱彭 朱文藻 黃易 羅聘

方薰 翁春 汪照 張夢喈

孫魯 汪大經 姜宸熙 范熊占

卷四十三

錢灋 程世淳 邵晉涵 魯仕驥

程晉芳 孔繼涵 陳昌齊 胡亦常

彭淑 鐵保 許兆椿 鄭炳泰

百齡

凌浩

吳俊

秦瀛

吳蘭庭

宋大樽

師範

高文照

李壇

卷四十四

吳錫麒

李憲喬

王焯

謝聖輶

卷四十五

馮敏昌

李鼎元

恭泰

陳詩

錢世錫

莫元伯

趙希璜

卷四十六

黎簡

臧法高

吳文溥

王佩鍾

張開堅

卷四十七

法式善

謝振定

吳蔚光

錢塘

程際盛

趙懷玉

楊揆

陸樹英

楊倫

汪學金

卷四十八

惲敬

李符清

李驥元

溫汝适

徐鑠慶

余鵬年

劉統基

李如筠

孫星衍

顧敏恆

何道生

卷四十九

王芑孫

溫汝能

閻秉升

卷五十

伊秉綬

張錦芳

王寧焯

卷五十一

洪亮吉

張問陶

李鑾宣

李賡芸

桂馥

牟昌裕

高士釗

鍾啓韶

張騰蛟

葉鈞

卷五十二

鄭士超

黃丹書

周有聲

陳燮

董芸

卷五十三

喻文鑿

黃凱鈞

漆修綸

馮 壇

陳禴芳

潘 藝

田上珍

方天根

徐本義

顧張思

梁殿珍

王世錦

王宗烈

沈大成

黃沃楷

黃沃棠

黃愷鏞

李遐齡

朱元秀

李 鱗

孫 性

卷五十四

宋 湘

吳 疊

鮑桂星

卷五十五

張惠言

許宗彥

姚文田

金善蘭

樂 鈞

劉彬華 方元鵠 倪世華

張炳文

同邑林伯桐壻諱

金菁莪

卷五十六

李秉禮

史善長

方秉仁

金 菜

李士楨

潘有度

葉廷勳

葉廷樞

陶章鴻

溫承恭

邵 詠

邵 詩

袁 琨

孟佐舜

俞廷柏

趙繼曾

陳鴻壽

卷五十七

劉嗣綰

錢林

屠倬

陳傳經

胡豹文

卷五十八

吳慈鶴

李光先

張聰咸

黃玉衡

王衍梅

劉廣禮

卷五十九

彭兆蓀

觀榮

朱依眞

何彬

何元

顧日新

方繩武

招茂章

汪家禧

張仁

卷六十

國朝詩人徵略目錄

劉開	邱士超	汪繼熊	蔡廷榕
鄭瀨若	凌湘衡	甄天民	程謙佑
陳襄之	黃喬松	黃照文	

國朝詩人徵略卷一

番禺張維屏子樹輯

鄂貌圖

字麟閣一字遇堯滿洲人崇德六年鄉試第一官至祕書院學士有北海集

曹禾序云時畿內初定命將出師先生多在軍中

雅頌

熙朝

公字麟閣

太宗時滿洲科目解元幼而貧嘗爇馬通讀書尤好爲詩

滿洲文學之開實自公始

居易錄

摘句 林中看雨過波上覺春來

山峻環溟海雲低壓瘴流

二毛鏡裏驚衰鬢萬里天邊看敝裘

戰績共歌周召虎經生猶識漢京房

十三元

字月華一字桂林漢軍人崇德六年舉人官至雲
貴總督謚恪敏後奪有公餘詩草

三元任荊州道副使時夷陵以西寇未靖三元勵
將士多所禽獲

大清一統志

公勳庸卓絕垂情風雅時與賓客將吏酬唱於丹

山綠水間庾公南樓羊傅峴山無以過也

詩
機

摘句 半窗邊地月一枕故鄉情

層雲旅雁橫秋月斷嶺孤猿叫夜霜

李灑

字鏡月江南興化人順治二年舉人有敦好堂詩

鈔

鏡月布衣蔬食教兩子成立乃縱遊燕齊魯衛吳

越諸郡

淮海英
靈集

匡廬之瀑九疊耳羅浮之瀑縱橫十三疊奇觀也
然其境險峻遊客罕到鏡月未至羅浮其望羅浮

歌有云水簾千丈海風倒吹如見仙山飛瀑矣

松聽

盧詩話

摘句 遠火分帆影疎鐘雜艤聲

一夜客星臨帝座千秋明月照漁竿

釣臺

楊思聖

字猶龍直隸鉅鹿人順治三年進士官四川布政使有且亭集

入蜀諸作刻意摹杜而刻畫之痕未化

提要

四庫

猶龍與魏環溪申鳧盟諸先輩互尊性命之業

百

詩小引

摘句 好友難爲別名山只借看

居今方信天難恃弔古常疑史未明

魏裔介

字石生直隸柏鄉人順治三年進士官至大學士補諡文毅有兼濟堂集

裔介立朝頗著風節其所陳奏多關國家大體詩文醇雅亦不失爲儒者之言

四庫
提要

國朝諸大典半屬文毅奏議所定學宗朱子著有約言錄知統錄諸書風節侃侃時稱二魏謂公及敏果公也

詩別裁

國朝

順治五年石生官工科給事中上疏請

召對羣臣虛心咨訪並令史官記註俱報

聞九年疏請定視朝之制始

詔以逢五一視朝著爲令先後疏請錄建言得罪諸臣增
官吏祿俸停不急之工罷無益之費宜廣開言路
通民情其論事鯁切多此類十四年授左都御史
召至中和殿諭曰惟朕知爾康熙元年雲南平疏請

命湖廣總督移駐荊州從之及吳三桂反湖南州縣俱陷
卒不得過荊州人以是服石生之先慮也三年拜
保和殿大學士十年乞休家居十六年卒測海集

摘句

救琯雖云非其意實孤勁

讀杜子美詩

道以遲能重書因悟轉疑

魏象樞

字環極號環溪山西蔚州人順治三年進士官至刑部尙書謚敏果有寒松堂集

象樞平生立朝端勁爲人望所歸講學亦醇正篤實無空談標榜之習文章樸直如其爲人提要

公爲

本朝直臣第一彈劾必匪人薦引必正人歸田後書數千卷外無長物嘗笑曰尙書門第秀才家風又

可想其清節矣

詩別裁
國朝

時京師地震公言地臣道臣失職則地反常臣總風憲咎實在臣是日獨被

召對近

御座前語移時至泣下

午亭文編

自公密奏索明二人舉明年索額圖致政康熙二十七年明珠爲都御史郭琇所劾去政府至五十五年春

聖祖始以公面對語諭羣臣二人之卒見黜者公最先有以發之也

居集二

公與諸大臣抗辯是非無少訛在廷者多側目獨大學士范文肅公心識之曰直哉此我

國家任事之臣也其後遇有構公者輒于衆中剖析

之卒得白

同上

嘉定知縣陸隴其治行第一以盜案詿誤公三疏薦之仍起知靈壽縣會

詔舉博學鴻儒公以畢振姬湯斌等五人應先後所薦郝浴王天鑑宋文運高珩達哈塔蕭維豫張沐于成龍等竝有名蹟海內推爲知人

同上

公居官廉餽遺無敢及門其以薦起也度在外無

以自給不欲出有李恆岳者其妻兄弟也謂曰子在京師日費幾何曰日得一金足矣恆岳曰吾能任之子果出而有濟于世吾何愛焉公遂行終公在官無內顧憂者恆岳力也康熙二十三年以病乞休許之比行

御書寒松堂額賜之二十五年公卒於家年七十一

同上

言官吳拜吳達以言事論死環極疏論言官失言之罪不過處分處分當付吏部貪贓壞法挾怨報仇如是等罪乃下刑部請嗣後分別重輕著爲成

例湖海集

康熙辛酉二月

上謁

孝陵諸公卿皆從多賦詩紀事刑部尙書魏公環溪一詩

極令人感動池北偶談

摘句 老臣將去墳溝壑何日重來拜翠微廿載

承 恩無寸補鐘鳴漏盡尙依依

李 麟

字坦園直隸高陽人順治三年進士官至大學士
諡文勤有心遠堂集

集中諸作皆冲和雅正不爲叫囂之音亦不蹈纖

仄之習

提要
四庫

順治戊戌三月閱卷事畢大學士傅以漸學士李霨等復

命賜茶是日

天顏怡悅遍視各官良久曰爾等面貌俱比前較瘦應是看文日久可早回家去遂起謝

恩出

寶綸
稿

霨拜大學士時年甫三十有四

大清
一統志

康熙己未博學宏詞科一等二十名二等三十名皆授翰林讀卷者相國李公霨杜公立德馮公鼎

掌院學士葉公方藹掄才之典莫大於是得人之慶亦莫盛於是也

松心日錄

余宦遊所至每於庭階隙地輒喜種花比年家人輩亦效之以爲樂偶讀李文勤公蒔花詩實獲我心其詩云庭除隙地無人至閒課兒童種雜花漸老心情唯學圃未歸踪跡漫爲家春寒待放亭亭藥夜雨新抽細細芽誰道荒齋還寂寞繞欄半畝

簇明霞

聽松廬詩話

摘句

其巔判閩浙風土隔邦邑

楓嶺

因知濟險者所負必素足庸夫喜大言遇

變手恆東

王紫綬

字金章一字蓼航河南祥符人順治三年進士官浙江糧儲道有知咫堂集

王金章常從老儒劉文奇學劉家沒於水王爲置田園廬舍後病卒爲之營葬情禮甚備予見其哭師詩警句云門無司馬求書使室有黔婁正被妻陶九成載構李顧德玉葬其師新昌俞觀光事此近之矣

池北偶談

摘句 不知何山雲倒放夕陽出

驛夢生殘漏鄉書到隔年

朱之錫

字梅麓浙江義烏人順治三年進士官至兵部尚書河道總督

之錫由庶吉士授宏文院編修

世廟時幸倅幣見之錫嘉其勤給筆札賦詩有
禁肉盤盡皆敬勝猶懷筆諫效前賢句

覽之大喜

命坐賜茶及袍遷正詹事總督河道時運河夏淺而黃河
秋決之錫馳視南北慮民夫苦吏呼乃自爲短歌

俾道鐸循行諭之無不踴躍趨事以是屢告成功
卒于官瀕河多立廟祀之

金華詩錄

近見梅麓朱公遺婢帖真盛德事帖云前送回張氏女子原無大過只是娃子氣好言教導不甚知省誠恐聲色相加流入婢子一類所以量給衣飾還其父母初時原是待年五六日後便有遣歸之意故自後并無半語諧謔猶然處子也足下可將此女完璧歸趙一段緣由向其父母申媒昌言明白以便此女將來易於擇婿也康熙中徐充淮揚間人盛傳朱公死爲河神池北偶談

摘句 水外疑無地山中小有天

法若真

字漢儒號黃石一號黃山山東膠州人順治三年進士官布政使有黃山詩畱

若真詩古文詞少宗李賀晚乃歸心少陵不屑櫛比字句依倚門戶惟其意所欲爲不古不今自成一格

提要
四庫

母李夫人有身夢法真而生故名若真

山左詩鈔

順治乙酉黃石先生以五經

特賜中式授中書舍人丙戌成進士入翰林外補福建觀

察禦鄭寇有功遷浙臬平反王式誣告等案轉安
藩丁內艱歸以詩畫自娛卒年八十有四同上

摘句 正借文章收國士須求經術報朝廷

繞膝祖孫同父子登牀畫史間圖書

馮溥

字孔博號易齋山東臨朐人順治四年進士官至
大學士諡文毅有佳山堂集

康熙己未

召試博學鴻詞溥與高陽李霨寶坻杜臻崑山葉方靄四
人同爲閱卷官得人最盛故毛奇齡等爲作集序

皆稱門人其詩則未爲精詣也

提要四庫

康熙初年議遣大臣巡察督撫以薄力爭而止大

拜後力薦魏象樞成性爲名臣在閣一任至公不

詭隨不矯激年七十四乞休歸里而卒

山東通志

孔博遷左都御史疏言古者罪人不孥今一事或連數人或數十人雖事終省釋生死已不可知且問官不卽審決遲或一二年或七八年俱當

敕部嚴禁又言正月開徵追呼太急請夏稅定于六月秋

稅定于十月居常好宏獎人物在京築萬柳堂

與諸名士觴咏其中

測海集

萬柳堂爲益都馮相國別業每逢上巳輒與朝士
修禊賦詩壬戌上巳益都將有致政之意首倡詩
第六句云水萍風約故沿留徐健菴春坊和云盡
日行吟步屢畱施尙白侍講和云回溪時有斷雲
畱陸義山編修和云落花香倩蝶鬚畱方渭仁編
修和云煙宿含山翠欲畱徐華隱檢討和云小雨
泥看屐印畱高阮懷檢討和云羽觴泛泛夫還畱
汪蛟門主事和云輕陰時爲落花畱林玉岩中書
和云檻拂垂楊叫栗畱騁妍角勝佳句如雲相國
歎賞不絕而意似未屬後至潘稼堂檢討和云東

山身爲草堂畱相國拍案而起稱爲第一

新語

摘句 閒消客况花千樹徐聽民謠雨一犁

龍窺方丈三更雨天假重陽一日晴

宋琬

字玉叔號荔裳山東萊陽人順治四年進士官浙江按察使有安雅堂集

王叔備兵秦州晉兩浙憲長漸嚮用矣族不逞子以夙憾飛章告密逮入對簿羈西曹久之事得白遂流寓吳越居無何

天子察其冤抑起補蜀臬會入覲留京師而吳逆告變成

都失守妻子皆在蜀卒鬱鬱以死歿後四年

詔徵鴻博論者謂荔裳而在石渠天祿當推一席而不幸

墓草宿矣悲夫

國朝名
家小傳

康熙以來詩人無出南施北宋之右宋詩頗擬放翁五古歌行時闡杜韓之奧

池北偶談

詩用古人姓名或板填失之鈍滯或牽湊失之膚浮論詩者所以有點鬼簿之譏也荔裳先生七律中用古人最爲警動如曾賦國殤哀翟義竟無備保付王成名姓在秦張祿貴文章入洛陸機多秦地關山畱庾信漢家鹽鐵問桓寬安知嗣祖非爲

福况有要離可作鄰典切渾成此境良不易到

松

盧詩話

標題

先大夫諱日

五古

詠史八首

五古

樓道平

歌

七古

長歌寄懷姜如須

七古

摘句

未雨山如醉旣雨山如醒

古來仙佛人第一貴能斷審茲割愛緣卽
是阿羅漢

松光青不定海氣白成圍

萬壑穿雲轉孤舟與石爭

憐予常作客知爾尙依人

亂蛩催髮白疎雨逼燈青

漁舟霜後聚樵路雨中深

送君如士會爲我謝田橫

少華西來朝白帝太行東望走黃河

流沙弱水真杯勺太白終南盡附庸

秦苑驛驥來大夏漢家租稅到西羌

三輔征輸何日盡二陵風雨至今多

主恩在昔尊三老父執於今有幾人

幾年漢使迷金馬萬里江流見石犀

官同社燕秋南北門對江鷗日往還

銀漢欲斜爲客夜金釵初墜憶眠時

白髮來如不速客青山應笑未歸人

松楸又歷三冬雪俎豆新添一輩人

蔣超

字虎臣江南金壇人順治四年

賜進士第三人官翰林院編修有綏菴集

虎臣幼耽禪寂不茹葷酒祖母夢峨眉老僧而生
年二十三及第晚附楚舟入峨眉卒于伏虎寺臨
化有詩云偶向鑊湯求避熱那從大海去翻身功
名傀儡場中物妻子枯體隊裏人池北偶談

虎臣重行誼生產日落能傾橐急人

學餘堂文集

虎臣官順天學政清慎得士心秩滿告歸遂達峨眉已而得疾爲書別親友端坐吟詩而逝翼日有胡生者遇諸山椒頻呼蔣先生不應及入寺知虎臣已死則大驚

測海集

摘句 荒園一種瓢兒菜獨占秦淮舊日春

王熙

字子雍號胥庭直隸宛平人順治四年進士官至

大學士諡文靖有王文靖集

翰林兼習滿書者多不能精公踰年學成

世祖屢試稱最康熙十三年疏請誅吳應熊應熊伏法王

桂驚悸發疾竟以是死公歷諸曹久於國家典制
沿革無不洞悉手點二十一史能隨事舉述大義
詩清麗不事藻緝四十年請致仕四十一年卒于

家年七十有六

張文貞
公集

摘句人行沙岸小樹近夕陽偏

宿雨鶯聲濕流雲鶴羽肥

惜別暫留寒雨夜送行無奈曉風時

宋徵輿

字直方一字轍文江南華亭人順治四年進士官

至副都御史有林屋詩草

徵輿爲諸生時與陳子龍李雯等以古學相砥礪所作以博贍見長其才氣睥睨一世而精練不及子龍故聲譽亦稍亞之云

提要四庫

雲間宋孝廉幼清直方父也精數學直方生時預書一紙緘付夫人曰是子中進士後乃啓視之至順治丁亥捷南宮開前緘有字云此兒三十年後當事新朝官至三品壽止五十後果于康熙丙午遷副憲至三品明年卒官年正五十也

池北偶談

副憲督學福建時輯全閩詩選又與臥子舒章共

選明詩行世

江蘇詩徵

標題

參軍行七古

摘句 咸陽橋上三年夢回樂峰前萬里愁

李敬

字聖一號退菴江南六合人順治四年進士官刑

部侍郎

自謂必知元氣流行使心口之間律呂相合以適於喜怒哀樂之正蓋卽白沙定山之宗旨

提要四庫

退菴病中自訂生平詩文刻之戒其子皮闇二十年後乃可印行今三十餘年矣索諸其子至再不

可得余嘗錄二十餘篇于感舊集又有讀水經注

憶洞庭一篇極佳

漁洋詩話

摘句 八十四盤上去天不盈尺

憶峨眉

海氣夜藏雨湖光朝見星

沈永令

字聞人江南吳江人順治五年副榜官高陵知縣
知韓城縣時湯文正爲潼關道以循良重之其政
治可知

國朝詩別裁

聞人自號一指因手有枝指也詩詞書畫並入能

品

江蘇詩徵

沈氏詩錄所載自太常以後十世中工詩者七十人間秀二十一人風雅之盛萃于一家海內所希有也

松陵詩徵

摘句 水落渭河諸派合天圍華嶽萬峰低

煙杪一丸關百二河流如綫路三千

施閏章

字尙白號愚山江南宣城人順治六年進士官江西參議康熙十八年

召試博學鴻詞官翰林院侍講有學餘堂文集詩集

王士正選感舊山木二集所錄閏章詩最多又取

其五言近體八十二聯爲摘句圖見所撰池北偶

談中閨章嘗語士正門人洪昇曰爾師詩如華嚴

樓閣彈指卽見吾詩如作室者瓴甓木石一一就

平地築起士正亦記於居易錄平心而論士正詩

自然高妙固非閨章所及而末學沿其餘波多成

虛響以講學譬之王所造如陸施所造如朱陸天

分獨高自能超悟非拘守繩墨者所及朱則駕實

操修由積學而漸進然陸學惟陸能爲之楊簡以

下一傳而爲禪矣朱學數傳以後尙有典型則虛

悟實修之別也閨章所論或亦微有所諷寫規於

頌歎

四庫提要

南施北宋故應抗行今就兩家論之宋以雄健磊落勝施以溫柔敦厚勝又各自擅場

國朝詩別裁

先生成進士授刑部主事引經斷獄多所平反會

世祖章皇帝方右文拔曹郎尤者充學使

御試名居第一遂提學山東已奉

命分守湖西所轄吉臨袁三州兵馬蹂躪之餘邑多逋賦

追呼急輒相聚爲盜先生作勸民急公歌垂泣諭

之作彈子嶺竹源院諸篇以告諸長吏讀者感泣

民亦相勸輸賦母敢後無何以裁缺歸里民送之

如歸市臨江故有江先時民過之歎曰是江如使
君清因改名使君江民送之至湖會湖漲所乘舟
爲御史贈物輕不能渡民爭買石膏填之已渡乏
食賣其舟而歸康熙己未

詔舉博學鴻詞三相國薦其才

召試授翰林院侍講當是時愚山之名滿天下作爲文章
極其醇雅而於詩學尤邃王阮亭先生最愛其秋
風一夕起庭樹葉皆飛孤宦百憂集故人千里歸
嶽雲寒不散江雁去還稀遲暮兼離別愁君雪滿
衣之作謂此雖近體豈愧十九首耶

家小傳

國朝名

余每出必攜書或置懷袖間有書則勞苦煩惱俱可遣愚山先生先我言之句云隨身時帶讀殘書余頻年作客每得家書便如到家一回先生又先我言之句云家書到眼當還家余答朋好書胸中多所欲言輒致遲遲不發先生又先我言之句云情多翻致報書遲聽松廬詩話

愚山先生少失怙恃鞠于祖母事祖母孝事叔如父叔每怒先生必跪而解之俟色霽乃起業師劉卒無子先生葬之先墓側歲時祭掃焉其生平善行詳見于施氏家風續編人勸先生刻講學語錄

先生婉言謝之先生集中有復孫徵君鍾元書云
人事冗沓惡動求靜正是動靜未合一處此道要
須靜處立根久之卽動是靜乃爲得手又與所親
書云終日不見已過便絕聖賢之路終日喜言人
過便傷天地之和此二條警切真足爲我輩藥石
也

松心
日錄

標題

臨江憫旱

五古

登太室中峰

五古

漢柏

五古

先祖母生辰追悼成篇

五古

黃俞郎開母

喪南歸

五古

龍衣船

七古

蓬萊海市歌

七古

摘句 目營萬里外心遺徑寸謀

結怨不在深片語傷人心

逐衆苦形疲失儔恨歡寡

作吏如浮雲風吹不得住浮雲去無心作
吏行多懼

明月非霜雪滿城生夜涼

野水合諸澗桃花成一村

村徑半牛跡山田皆水聲

翠屏橫少室明月正中峰

六朝流水急終古白鷗閒

人驚亂後在山比別時青

路長催老易家近恨歸難

冰泉懸衆壑雲路鬱千盤

微雨洗山月白雲生客衣

風雨殘春路關河獨去人

到家成遠客訪舊指新墳

浮生安逆旅傳舍亦吾廬

老積驚人句窮堅避世心

地連朔雪孤城白天入齊烟一帶青

九州積氣峰前合萬里浮雲杖底來

魚龍欲見空中閣風雨忽移何處山

山蟠邛崐蠻鄉近江過巴渝棧閣連

拙宦生涯疎骨肉長江戰地滿旌旗

雲霞遠色橫千嶂雪月寒光俯萬家

殘花滿徑鹿來去幽鳥數聲僧有無

性懶千人疎簡牘題因存友恕詩篇

偶種野花成小圃醉題拳石當名山

季開生

字天中號冠月江南泰興人順治六年進士官給

事中有出關草

順治十二年

敕遣內監至江南采辦器物天中上疏諫流尙陽堡尋卒
于成所十七年

命吏部察諸罪謫言官

詔曰季開生建言原從朕躬起見准復原官還其櫬牕一

子入監讀書測海集

摘句 河山寬醉眼風月受閒人

白日總悲生事少黃泉翻苦故人多

雞鳴夢訥參朝晚鳥啼心傷進膳遲

董文驥

字玉虬號易農江南武進人順治六年進士官御

史有微泉閣集

御史董玉虬轉秦州監司乞休歸年未五十家居

注三禮

居易

作詩用事以不露痕跡爲妙玉虬外遷隴右道留
別詩云逐臣西北去河水東南流初謂常語後讀
北史魏孝武西奔宇文泰循河西行流涕謂梁禦
曰此水東流而朕西上深歎董語用古之妙

池北偶談

標題

華不注

五古

摘句 非無直諫逢英主猶復啼飢似老夫

弔東方朔

王廣心

字伊人號農山江南華亭人順治六年進士

伊人巡視京通二倉釐剔漕政之弊疏凡三十餘

上清操凜然雖大猾不敢撓

扶汀錄

摘句 二頃豈如蘇相印三公不易老萊衣

王庭

字言遠一字邁人浙江嘉興人順治六年進士官

山西布政使

邁人所至以清惠稱罷歸足跡不入城市常衣布

袍行田間人不知其爲故方伯也

池北偶談

方伯母盛夫人未子歸時有神嫗見之曰當生貴

子生有青記者佛門中來紅記者道門中來及生
果有青記初釋褐卽爲郡守辛卯甲午粵東鄉試
以太守爲同考皆異數也屏薄江右奏免浮糧數
十萬功德在人六十一致仕八十七考終

梅里詩輯

嘉秀善三邑田賦舊有互嵌數百載聚訟莫能定
獻先生爲著嵌田論設有十二問答剖悉詳盡邑
士庶咸折服議始定

兩浙輶軒錄

摘句 過雨洗山綠落花然澗紅

一艇獨歸雨千山相對雲

茅屋人家千畝雪板橋行跡一溪冰

桺葉千條分雨綠堤沙十里走風黃

周體觀

字伯衡直隸遵化人順治六年進士官參議道有
晴鶴集

伯衡有過黃州詩云不見當年劉克敏西風吹淚
過黃州舊時江路能來否落日招魂古驛樓不媿

古人也

香祖筆記

摘句 百舌雖云巧夏至亦無聲

傳家他日事繞膝眼前看

兄孫童蒙就館

後砌出雲前砌日大亭宜夏小亭春

劉子壯

字克猷湖北黃岡人順治六年

賜進士第一人官翰林院修撰

太史生九歲失恃後大魁天下每念太孺人輒孺
子泣終身以屺思名堂太史丁勝國擾攘奔竄山
菁水涘迨策名虎觀未幾而玉樓作記矣居業堂

先生有萬事險惟官五字中有千百言聽松廬文集詩話

摘句 大道空適用孤絕非眾賞

有書不會讀讀者苦無書

昔亦有何韻今人坐相因况乃限其聲何

以發高論

熊伯龍

字次侯湖北漢陽人順治六年

賜進士第二人官翰林院編修

公自少至老朝夕手一卷不置仕宦在京師恂恂如儒生歷官二十年不妄交遊不立崖岸易簪時惟以不得澤及民生爲憾

熊劉詩集

摘句 時事諸賢在閒情一壑寬

所傳皆太古相見乃同時

贈王阮亭司李

身後自然傳李白眼前誰肯薦揚雄

周茂源

字宿來江南華亭人順治六年進士官處州知府
其同郡五君詠中所稱夏允彝陳子龍李雯三人
皆其幾社舊友而才力尙不逮子龍等也

提要四庫

茂源官比部郎署卽白雲亭也與同官宋直方施
愚山相過從飲酒賦詩雖風雪弗輟

今世說

宿來秋部以恤刑駐節雪苑有山人得罪別駕欲
加以刑山人託言秋部執友冀緩其責實未嘗謀
面也別駕謁周問之答曰此余好友山人得無恙

一時推爲長者

筠廊偶筆

宿來守處州開山路三百五十里然火沃醋巨石

立碎自括入甌悉成康莊

松江詩話

摘句 冰玉破笠東林寺雪夜孤燈左蠡船

偶然花月春江夜共此蒹葭秋水心

趙吉士

字天羽一字恆夫浙江錢塘人順治八年舉人官

戶科給事有萬青閣集

交山在交城境姜瓖平後餘孽竄伏山中出沒爲

患吉士以計討平之

提要四庫

先生豪爽好義出三萬金創造全浙會館

兩浙輶軒錄

摘句 此身已百盤猶在峰之麓

曲渚沙明舟載月寒山雁落樹披霜

國朝詩人徵略卷

一